

中華文史叢書之一一
民國二十二年鉛印本影印
王有立主編

雲南北界勘察記

(全)

尹德明等撰

華文書局股份有限公司印行



雲南北界勘察記序

晚清之際、西歐諸國、挾其侵略政策、以臨遠東、於是越南吞於法、緬甸併於英、中英遂有滇緬界務之爭。當英之初踞緬甸、虜其王孟錫袍以去也、告我使臣曾紀澤曰、緬王無禮於英、故廢其王。又曰、滇緬邊界、見中國兵與中國旗幟所在、卽視爲中國地。然猶慮我索問大金沙江以西之猛拱、玉石廠、及潞江以西之孟密、寶石廠也、復許我以大金沙江共有蠻幕歸中國設關立埠、潞江東面南掌、木邦、孟良、景線、諸擇人地屬我之說。遷延數年、我無定議。及其全緬底定、並略有我南北諸土司地、我始令薛福成與之商訂界務。交涉之時、彼明我暗、彼狡黠、我懦弱、彼措置已周、我進退失據、加以國力強弱異勢、薛使雖多方引證、力爭至再、終不能折其機牙、使其稍退。前許蠻幕設關及潞東地屬我諸端、既不可得、卽明巡撫陳用賓於我腹地所設八關、亦棄其三。滇龍天馬虎臨比議定暫劃分至騰越尖高山、自是以北、留以有待、且伺機與英人中分野人山地、此薛使光緒二十年簽訂中緬界約之事實也。厥後英欲以潞江及恩梅開江中間之分水嶺高黎貢山爲界、遂於光緒

二十六年進兵小江、戕我茨竹土守備左孝臣并死我弁勇百餘人。我總理衙門與雲南督撫、不查卷圖、不考史實、顛預應付、貿然以小江爲滇緬分界、令英軍退出小江以外。至光緒二十一年、我應英人之請、派石鴻韶與英領事烈敦會同前往查勘。鴻韶老耄、未能持定我舊有屬土、與之力爭、竟聲明小江以外、久在化外、惟競競爭小江以南之區域。雖屬會勘、不能據爲定憑、英以我不明史地、懦弱可欺、益進一步、遂於宣統二年進佔我茶山全地、直達片馬。英之野心、與所謂北段未定界者、始爲國人所注目。民國十六七年、英人侵略我里麻長官司地、卽所謂江心坡者、國人又復囂然呼號曰、此我土地、我人民、英人不應進犯。究其實、高黎貢山之西、茶山地也、江心坡也、種人如何、山川如何、產物如何、英人強佔後治理將二十年之情形又如何、政府與國人無一能詳其底蘊。十八年冬、中樞乃有以明德前往勘察之命。明德生長滇邊、義無諉卸、馳返故里、遴選測繪人員及熟悉邊情之士、先後組成六組、喬裝商販、分頭密往北段未定界之茶山、里麻、孟養、我舊土司地、及麗維所屬之浪速、球夷等地、詳密探查。明德亦變裝易名、另成一組、深入履勘。各組自出發後、以英人嚴密防範、野夷獷悍、並氣候寒熱毒厲之故、途次迭經險阻、有被英

人拘捕搜查者、有爲野夷阻留欲加戕害者、有嚴冬踰高黎貢雪山、行冰雪中幾葬身雪窖者、有盛暑冒雨奔馳窮山中、與瘴毒爲緣、幾病死者、幸仗國家威靈、咸得無事、完成任務、各慶生還。經將調查所得、詳繪地圖、編纂報告、並所攝照片、碑證、呈之政府、以爲交涉之據。明德與各組人員行踪所至、隨有記載、或爲英人經營情實、或爲旅程狀況、或爲夷地風土、或爲歷史掌故、要皆與邊務有關、爰加整理、都爲八卷、名曰雲南北界勘察記。又得黃誠沅夏瑚遺稿鈔本二種、與北界亦多關係、並附錄焉。非敢比於著書行世之列、聊以存此行之辛勤、並冀國人知英人於我邊徼之侵略、實不容長此漠然而不問也。

中華民國二十二年二月騰衝尹明德序於騰衝澹甯居

雲南北界勘察記目錄

卷一

內政部
外交部

會派滇緬界務調查專員尹明德

自騰衝出發經南甸干崖蠻暮八莫格薩直耿蠻德勒又名瓦城滅繆又名緬子孟養猛拱甘
板玉石廠密支那邁立開江沿岸野人山及戛鳩各地

卷二

內政部
外交部

會派滇緬界務調查專員尹明德

自密支那渡大金沙江經灣募

即尤南允

即大地方

恩梅開江沿岸石灰卡羅孔

原名牛窩

溯之非河踰高良工山張家坡經派賴拖角

原名他夏

班瓦啞口及滇灘明光各撫夷地

卷三

第一組調查員楊斌銓王繼先

自下關出發經大理鄧川劍川麗江維西踰碧羅雪山渡潞江經菖蒲桶踰高黎貢

山經猱夷地之猱江狄子江狄不勒江駝洛江狄滿江及坎底拱路恩梅開江拉打
關岔角江上帕知子羅瀘水各地

卷四

第二組調查員張元欽王 璽

自騰衝出發經滇灘明光派賴茨竹楚余河片馬魚洞古浪岡房大壩地河小江噠
戛官寨干坤拖角踰高黎貢山經片馬啞口瀘水各地

卷五

第三組調查員王 璽

自騰衝出發經南甸干崖八莫格薩猛拱甘板玉石廠密支那木梳足德央足昔董
古永各地

卷六

第四組調查員梁正中

自騰衝出發經古永瓦崙山昔董壩澤勒苦賴吾山渡恩梅開江入里麻

即江心坡

南部

無賽門掌樣杜包樣孫卡石且能龍拱恩多樣各地

卷七

第五組調查員張元欽

自騰衝出發經古永昔董渡大金沙江經密支那野人山孫布拉蚌渡邁立開江入里麻中上部騰南猛木缸戛康河騰龍藏樣戛木科俄犬戛木扁戛各地

卷八

第六組調查員狄壽榕

自騰衝出發經滇灘之非河踰扒拉大山渡小江沿恩梅開江北上經浪速地蛇怪窩門臘埂河駝龍壘河恩罕烏泥岔角江踰高黎貢雪山渡潞江經知子羅瀘水各地

附北界地圖一幅

附錄

西界陳脂

怒猿邊隘詳情

武緣黃誠沅輯

阿墩子彈壓委員夏瑚
兼辦怒江事宜

雲南北界勘察記

卷一

內政部
外交部

會派滇緬界務調查專員尹明德

即元

滅繆
又名

孟養猛拱甘

自騰衝出發經南甸千崖蠻暮八莫格薩直耿蠻德勒
板玉石廠密支那邁立開江沿岸野人山及戛鳩各地

中華民國十九年十二月十九日晴由騰衝縣城出發至蘭家寨 滇緬北段界務，英人屢促議勘，我以國內多故，未遑及此。迨英人侵略我江心坡即里麻長官司地，土民不服，遣派代表董卡諾張早扎密至騰衝，訴於騰越道尹趙鍾奇。於是騰衝界務研究會，推派謝焜劉紹和周從康代表走南京請願，全國震動，政府頗重視，有及時與英交涉解決此懸案之意。惟以邊徼寫遠，英人情形，土民狀況，及山川形勢，中央地方，均未深悉。十八年夏，外交部遂有滇緬界務研究委員會之設立，明德以鄉人推薦，得參末議，當以歷次交涉劃界，彼明我暗，故已定之界，失地至多，今茶山里麻兩長官司地，英人進踞，多者十餘年，少亦數年，其間情形，我茫然不知，應先派員詳密勘察，然後交涉，乃有把握，否則任人指劃，失敗堪虞。與會諸公，深然其說，並謂舊五綫圖，除英人所指之紫色綫，我未承認外，其餘藍黃紅綠四綫，或為石鴻韶誤勘之綫，或為我不明史實官員妄擬之綫，里麻長官司地，已擠諸綫外，今後交涉，應

取銷此毫無根據未曾定案之舊擬綫，而另定適合之綫。研議經月，酌定兩綫，一由尖高山西向柘枯門嶺山頂而上，至印度阿薩密與西康交界處爲止。一由尖高山西向沿邊立開江而上，至其源頭與西藏交界處，包有我舊屬茶山里麻球夷浪速各地。旋厘定調查方案，由中央派專員一人到邊地遴選人員，分組出發探查，並議決俟北界調查完竣，即與南界同時一併提出與英交涉。外部將會中研議各端，呈奉行政院令開，即照所擬辦理。由內政外交兩部遴派專員前往調查，經費飭財部照撥。十月十二日，明鑒奉內政部趙部長載文外交部王部長正廷令，會派爲滇緬界務調查專員。即於十二月十七日由京首途，道經蘇州，特走謁內兄李印泉先生，請示一切，以先生於宣統二年，因片馬案，曾親歷小江，深悉當地情形也。到滬購辦器具，及圖籍應需物品，於十二月廿八日登輪南行，抵香港，適爲十九年元旦。復乘船至法屬越南海防，搭火車入雲南河口。由港動身，有新委雲南省黨務指導委員陳廷璧曾省三楊大鐸諸君同行，經過海防，頗受法海關人員之苛待，翻箱倒篋，細密搜查，用物之較新者，均留難上過境稅，旅客經此，靡不視爲畏途。一月九日，達雲南省會昆明，時龍主席雲率師西上，省務由周委員鍾嶽代理。明鑒遍訪各省委並滇中父老耆舊，詳述中央對滇緬界務關切，及今後辦法，均承多所指導。明鑒在昆明閱鈔有關案件及圖書，並遴選測察人員，未幾，龍主席回省，晉謁詳陳，頗蒙指示，並允力助。乃於五月六日，率同測察人員楊斌銓張元欽狄壽榕王應四員離省西上。是

時全省軍隊大部開赴廣西、省內空虛、豫豐至楚雄一帶、盜賊出沒、村落商旅、時被搶劫、明鑑等沿途由各縣派團警護送、於五月十八日平安抵鳳儀下關、竊以北界猺夷地、冬季爲雪所封、宜及時前去探查、乃派楊斌銓走麗江、組第一組、經維西、踰碧羅雪山、渡潞江、達萬蒲桶、踰高黎貢山西去、探查恩梅開江、邁立開江上游猺夷地、坎底、浪述、一帶、明鑑仍與張狄王三員西上、六月五日到達騰衝、時屆夏季、應行調查區域、瘴毒殊盛、邊境嚮導及分組調查人員、無敢應者、小江流域、地勢較高、山嵐瘴氣較少、即派張元欽、王璽等組第二組、於七月二日前往勸察我舊茶山長官司地、不意歷勸派賴、茨竹、片馬等處、行至拖角、原名他里被英人發覺、拘禁十餘日、幸未傷害、旋以兵二十餘名監解出境回騰、復派王璽等組第三組、於十月廿七日經八莫、猛拱北上、探查野人山地、派梁正中等組第四組、於十月二十九日、經古永、昔董、渡恩梅開江、探查里麻中上部、即江心坡南部、派張元欽等組第五組、於十一月八日、經古永、昔董、密支那北上、渡邁立開江、探查里麻中上部、派狄壽榕等組第六組、於十一月十七日、經滇灘、之非河、小江北上、探查恩梅開江沿岸、及浪述地、一帶、明鑑則於各組行後、率隨員蔣恩洲等出發、此明鑑自奉命由南京首途到騰衝至出發勸察前之大概情形也、明鑑所派各組人員、既已分頭出發、並聞已到達未定界區域、即於今日下午二時、率隨員蔣恩洲、緬語譯員李宗雲、野人語譯員蔣萬春、並隨從三人、由騰衝縣城出發、離城後向南行、經來鳳山、東南麓、軍營堆、土鍋鋪、約十六七里、至鎮彝

關。是處居民約二十戶。清進士江仁齋先生隴故里也。由鎮彝關渡大盈江。江源出騰衝北隴青海、經城西向而行二里許曰疊水河瀑布、水由千尋斷崖上倒瀉而下、聲若雷吼、細雨紛飛、又名龍洞垂簾、其景絕佳。經石頭山、甘蔗寨。由此分路右行、經雨傘黃花池、至河西盤東街。約七八里、抵蘭

家寨歇宿。計行程二十五里。蘭家寨多策馬者、非站口、平常來往客商不宿。明倫等僱馬騎、依趕馬人之便、故宿於此。石頭山石若蜂巢、中多空竅、其輕可浮水、火山遺蹟也。內兄印泉先生擬名曰烈遺

山。範圍甚廣、上起緬甸、迤邐而下、至明倫曩煙、計長四五十里、廣二三十里。此外大西緬甸交界之打騰山、又名集及大西隴之松山、亦與石頭山同為同樣之火山遺蹟、極目所至、皆屬焦石、而石頭

山石尤較輕鬆偉巨云。騰衝毗連緬甸、商緬騰人極多、冬季尤甚、此行任務、不僅騰人知之、即英人亦有所聞、故於沿邊要隘及其所強佔區域、早已嚴加防範。明倫行動若不十分嚴密、非惟不能到達

未定界彼所強佔之區域、即已出發各組、恐亦將受影響而被拘阻。故在騰僅密與第一殖邊督辦李

子暢先生曰核言之、並託以萬一各組工作人員在中途發生故障時、請設法營救、且託後方一切事

務、承其慨允。明倫出發後、化名張向仁、作商販裝束、同行者皆以張老販稱焉。

二十日晴由蘭家寨至九保街。晨五時半出發、經半個山、行十里、抵小河底早餐。是地位於綺羅河

經左所營、豬心街、繞礦塘而出。與大盈江交會處、住民十餘戶、為騰衝至九保尖站、售午膳、有白魚小花魚二種、味最

美。小河底渡大盈江而西、有界平壩派曩煙三寨、皆夷夷、名曰三彝莊、民國後、改隸明倫、早餐後、沿

大盈江東岸行，二里許，經曩煙瀑布，景亦佳，較疊水河瀑布則少遜。復行十餘里，經沙坡，全熱水塘，由騰

騰南行，另一道走騎驢、猪心街、明涌寨、於此交會。

馬帮在此開午梢，趕馬人尖站休息，名曰開午梢。

明德等亦在此休息。

熱水塘居民十餘

戶，有溫泉極佳，可資沐浴，故名騰衝境內溫泉最多，如北練之馬蟻窩，大西之阿幸，大董之黃坡，緬箐之熱水塘，下村，清水之硫磺塘，黃瓜箐，河西之炳賽，蠻竜，各地均有。多係硫磺泉，能除筋骨疼痛，風濕半

身不遂等症。其中療病以黃瓜箐，硫磺塘，炳賽，三泉爲最著。溫度則以硫磺塘，炳賽，二泉爲最高，滾水翻波，蒸氣上騰，熱若探湯。沐浴者，多攜食物就泉水煮之，頃刻爛熟矣。炳賽溫泉，距明德村居五里許。下午二時

復行，一里許，經老壩河，河冬春水極小，夏季暴雨水大而流急，泥石俱下，往往覆沒人畜。又十餘里，經

曩宋關，

曩宋甲其五寨、外尚有馬孟、尖坡、新寨、及老官城四寨。

居民百餘戶。出曩宋關，

曩宋關西隔大盈江、爲河而鎮蠻東、大地、有餘村。東碑、蠻林、各村。渡曩宋

河，清水練與南甸司分界處也。河寬百數丈，春冬可徒涉，夏季水極大，光緒間修石橋已圯，商旅苦之。又行三十里，經平山，老沙壩，新沙壩，管家寨，三家寨，至九保宿，計行程七十里。九保開騰衝第一區，

舊名南甸營，昔設經歷一員，並左營都司守備千把總等駐此。今住民三百餘戶，以釀酒造醬油種菜

蔬著稱。日中，河西

大盈江東岸曰河東、西岸曰河西、即河西練也。

附近各村寨居民，均來市易家居日用什物，或賣柴賣

米，名曰趕街子，

滇西各鄉鎮定期，多五日一街、九日一街也。

肆中衣食日用所需均備，尚熱鬧。有郵局、稅局、緝私營，緝私營

並男女小學校二所。前農商總長兼國務總理李印泉先生根源故里也。名勝有太平寺觀音寺、古蹟

有振鷺亭，爲永曆帝駐蹕處，但亭已無存，僅留空名。有榕樹

又名黃果樹

一株，拔地參天，蔭被甚廣。維西協

副將騰衝李希白學詩有詠振鷺亭詩云：鳴鳴鼓角鳴邊風，投荒天子悲途窮。晉王計敗磨盤石，延陵

將軍第一功。倉皇走入樊夷道，瘴雨未晴蠻烟裏。君臣競歌行路難，路旁啗斷鷓鴣鳥。南甸城東草叢

叢，蠻花開後狝鳥啼。振鷺亭上鷺絲宿，

白鷺巢榕樹上

一朝忽見鳳凰棲。邊城何處覓黃帷，野老殷勤進豆粥。

六宮舉箸下咽難，欲食不食相向哭。邊月三更寂無譁，邊風四野吹悲笳。可憐窮荒竄天子，此後莫生

帝王家。夜雨淋鈴空階滴，父老至今猶歎息。亭下既經潛龍眠，蛙黾無聲蚊絕跡。騰衝境內河流較

大者有三，曰龍川，曰大盈，曰檳榔。龍川江又名龍江，最長，源出大塘明光滇灘，經曲石、龍江、蒲窩、小隴

川、猛卯，

原有行政委員，二十一年改設治局，名曰瑞麗。

入緬甸而匯於大金沙江。下流又名瑞麗江。大盈江源出巔崑山旁青

海，經北棟、小西、騰衝城、和順、明順、清水、河西、各練、至九保、南甸、干崖、盞達、諸土司地，出蠻基新店，亦匯

於大金沙江。檳榔江又名盞西江，源出瑯琊山東南，在古永稱古永河，經盞西練於干崖新城與大盈

江交會。山則由高黎貢山分支，經騰衝西北茨竹啞口、大啞口、姊妹山、班瓦啞口，而至瑯琊山。然後由

瑯琊山分支，一支向西南行，經尖高山、瓦崙山，而至南牙山，蜿蜒於檳榔江、大盈江與大金沙江之間，

直至蠻基新店而止。此支可稱之爲瓦崙山脈或南牙山脈。

南牙山，又名火鑽山。

一支向南行，經大西河

又名南河

與古永河之間，起雲峯山、打鷹山諸峯。由打鷹山又分支，一南走經緬甸、猛蚌、河西，迤邐於大盈、檳榔兩

葫蘆口各石十個一座、油竹壩、獐鼓山、邦行山、撒馬壩四處、無從建設銅鑼、則設鍊卡、哨樓坡建村木碓一座。道光七年、署騰越廳廣裕、詳請設立河西外圍香柏嶺十五卡、招募獐獐三百七十戶分駐、明德按守卡練丁、野人獐獐、漢人均有、今以漢人為多。於鹽課溢餘留半銀支給口糧鹽菜、限滿聽其種地守卡。嗣因山地確、不敷口糧、永昌府胡啓榮、騰越廳周澍、詳請奏明借藩庫銀二萬兩、置買練田、分給各獐獐口糧、府廳各捐銀一萬兩、三年歸款。計香柏嶺二卡、三級箭一卡、芭蕉林二卡、一卡、豐羊路二卡、春花地大草坡兩處分設三卡、藤竹二卡、總計十五卡。又馬鞍山一卡、象鼻山一卡。咸豐十一年後、兵事蔓延、碉堡傾圮殆盡。光緒五年、同知陳宗海稟請邊防委員郝映奎修復練卡七十八處、增建二卡、添設練丁二十名、共成卡地八十卡。即茂福大路十卡、共練丁一百五十五名。橋頭卡十五名、紅丫口卡十五名、辛家田卡十名、紅泥洞卡十名、星布卡十五名。幫中十七卡、共練丁二百一十一名。香柏嶺卡十四名、清水溝卡十四名、得勝卡十六名、大蛇腰在柳渡卡十名、小魯仰卡十二名、穀地包卡十三名、龍江渡卡十名、上邦田卡十名、蓋西山十六卡、共練丁二百八十名。麥瓜林卡二十四名、麥瓜林小卡二十名、義外渡卡十五名、楊家山卡二十五名、高禾木卡十五名、觀音大黑腦卡二十名、大龍塘卡二十五名、魚刀卡十五、芭蕉林下卡、共練丁百六十五名。猛乃卡三十名、自名、芭蕉林卡二十五名、明錄河卡十二名、自耕自食、禾木樹卡十三名、新塘卡十名、小江卡十六名。止那隘二卡、共練丁五十五名、豐奔卡三十名、永撫夷兼管之古永中八卡、共練丁一百名。萬子壩卡十六名、熊脚卡十名、花水卡十二名、虎悅卡二十五名、葫蘆口卡六名、古永上七卡、共練丁九十名。猴橋關卡十八名、屈家壩卡十名、三岔河卡十二名、沈家河卡十二名、柳包河卡十二名。猴橋關卡十八名、木亞口卡一名、羊場河卡十三名、美古河卡十八名。